

歷代 日記叢鈔



學苑出版社

歷代日記叢鈔

第二八冊

夏湘人橐中集

道光二十七年歲次丁未十一月冬至前二日
凍錄

夏湘人出塞日記

乾隆五年八月二十日從京城起行出德勝門宿未

時京師戚友阻予行不聽至有叱予為呆人者

二十一日早行至沙河鞏華城外午食經昌平南門

由西門出城古槐夾道石路平敞山光嵐影映於

酒旂茶旆間楚楚可人行十餘里車夫為指天壽

山下十三陵起立車上而望之但見黃屋數處滅
沒隱顯于高峯之下沙溝衰草老柳殘蟬景色蒼
涼三十里至居庸關南口城歟將近口行輦確間
車箱欹側軒輊不寧矣南口兩山對峙距口而城
城堞復沿山谷而上下曲折宛轉下至澗底上極
峯巔每巔立一礮臺蜿蜒東西彌望如虵龍夭矯

不知其紀極也

二十三日巳刻啟行進關海兩山夾聳一溪中流溯
溪而上怪石蒼崖景物幽異車行亂石間轟騰欹
側如舟行大江中猝遇猛風巨浪澎湃掀簸十五
里至居庸關城橫截溪中東西復沿山巔而上縈
繞巖谷間關城有一方臺寬廣數十丈俯臨溪間

曉雨公先行予為車輛過關照驗羈遲遂徒行
磻中磴棧山梁高高下下一路小橋流水紅樹茅
屋儼然圖畫溪旁有大石突立高二丈餘圍七十
餘尺齊上圜身平直如削西南石額上鐫仙枕二
字徑尺許後識呂賁八分書四字南鐫行楷字大
如拳曰正德二年三月虜犯古北口亟提兵一萬

二千進關入援斬獲五百餘級虜遁整旅而還總
督薊遼遠靈寶許讚題東錫五言律詩三首觀察
李某作尚有和韻之作惜倉皇中不能盡記過彈
琴峽舊三澗水自峽下流泠泠如琴音故名今為
沙漲無復昔響矣巖間突出巨石如掌建小刹其
上飛甍畫棟顏曰萬古知音石壁上鑿磴道而登

自峽下轉行西南巒翠嵯青別成境界復向西北
行上老龍背石徑峻嶒一道中互左右巨壑遙望
八達額城堞高接雲際其城橫褒嶺上下藏複壁
中可走馬隔數百步一橋門壁上雉堞下亦可並
行五馬制度嚴密堅整可謂盡致出關回見門上
石額曰北門鎖鑰立望關外萬山雲屯風烟迷漫

景象大異關內矣岔道城歇是日徒步五十里

二十四日天明行是日風沙撲面已儼如冬際關外
烽堠沿山遍布高下不一相去不過里許道行兩
山之間相去約數十里南關山北長城中間隔遠
大抵三百餘里所行在關與口夾道中也竟日歷
磧陀景色蒼茫遠非關內可比夜宿土木土木

城小而嚴整正當獨石之衝故正統為也先所虜
云

二十五日行至舊保安城小歇城內有守備一員令
州治在北城西南數十里上道過雞鳴驛志云昔
唐太宗征高麗經此登山而聞雞鳴故名山下有
石洞激渠水溉田山之對面陂陀皆阡陌塍畎在

保安州之東北處過溪向西南行為保安州治西
 北沿溪而上循石棧行入谷口為宣府道經下花
 園為遼后蕭氏遊幸之地谷內溪流曲折峯巒迴
 互喬木成林邨居掩映頗有餘致至響水鋪午餐
 過老龍背至宣府東關歇關廟亦有城自過老龍
 背山梁山遂豁至宣府二十餘里皆平坦宣府四

圍皆山中寬數十里府城嚴整而大要塞也

二十六日天明起行入宣府南門過十字街四衢坊

表甚多攢集中城出北門

西行大山之內

有數小山山皆極森聳入山巒

荒礫鮮人耕

種矣行三十里岔入大道午餐下午後抵張家口

宣府至口皆西行抵口乃北折而出口口外一溪

自北入長城而南流繞西南而去倚山而城外
 複壁護之口設副將一員軍台總管住城內城內
 尚有萬全縣丞分駐之民居甚堅整城外大街沿
 城西南往大同北則出口城距口十里長城截
 溪上循兩山而褒亘東西口城有二門一為大
門護口有一小城即來遠堡又城內皆內外交易
名上堡

之所百貨湊集資本皆數十萬

今名園內講市口
臺即在城上

據大山口外常黑雲如蒸其形彷彿釋氏所畫酆都
城者至此已重裘雨雪儼比南中十一月間總
管覺公和託副白公萬全縣丞名徐德龍字天球
浙江嘉興人為人有幹才而好結納

九月初十日啟行出口車輛橐駝先一日行甫行猝

大風雪逾數時復行鎮口官出送守口兵丁皆擐
弓握刀肅立至口外回視城門屹立雄壯石額鐫
中華屏障四大字此處出入近口有腰牌遠用執
照稽察甚嚴口對面山壁上新鐫內外一統四字
方徑五尺餘城外有小廟宇小店三十里陀羅廟
小歇此處有居民數十家十里至小閼帝廟下馬

覓火見廟壁上挂一牌皆婦女姓氏喜助香燈者
已番漢相雜矣此地名察汗陀羅廟路分三道誤
行北道入谷中數里狹不可行中道至山巔遙望
四空雲中如夏時而絲脚者數處日光返照射成
粉紅色其處雨雪映日而紅此亦未見之景日將
落遇買賣人始知又誤前路峻險不可行亟返而